

et arrivee ou elle estoit deliberay de la luy bailler  
Laquelle croyant quelle vint d'autre lieu La Recent  
et La commença et acheua de lire et en tout Le temps  
quelle lisoit Jamais ne partis ma vue de son visage  
Et vis que quant acheua de lire demoura toute ch  
ngée et troublee sans parole comme si grant mal eust  
souffert toutesfois ne laissa elle aspeculer ma tribula  
tion que nauoye gueres moindre a la sieme Parquoy  
me voyant ainsi douteux pour me asseurer me fait  
des demandes et Interrogations de plusieurs choses  
hors de ce propos et qui ne touchoient en rien nostre  
affaire. Et pour se deliurer de la compaignye qui en  
semblable cas est perilleuse affin que les publicques  
mutacions ne descouurent Les pensees secretes se retira  
en sa chambre ou elle demeura celle nuit sans me par  
ler du propos Et le lendemain me manda querir et  
me dist plusieurs Raisons vertueuses qui souffisoient  
pour la descharger du consentement quelle donnoit  
en la peine de L'eriano et quil luy auoit escript  
Luy semblant Inhumante La laisser perdre pour si  
peu de chose vng tel homme Et en voyant parler  
estoye come Rany de plaisir Je ne scauroye descrire  
La douceur et homiestete de ses paroles et qui con  
ques leust ouye eust bien congnu que de ce mestier  
auoit bien peu vse. Car pour l'advergougnie sembloit  
quelle eust enflambe le visage Et pour la dubita  
tion quelle auoit deuenoit toute palle elle auoit  
telle alteration que faulte dallame luy coupoit sou  
uent sa parole de sorte quil sembloit quelle espe  
rast sentence de mort. Et en telle maniere luy tre  
bloit la voix quelle ne pouoit efforcer avec la prudēce